

姓氏
源

日杏氏

詹詹氏

丞其氏

青牛氏

成丙氏

詹伯氏

712922

姓氏寻源

〔清〕张澍 / 编纂
赵振兴 / 校点

岳麓书社

出版说明

张澍，清人，文学家，曾为官。其政事之余，溺苦于学，博雅宏深。传世之作有《养素堂文集》、《续黔书》、《蜀典》、《忠武侯集》等，《姓氏寻源》为其一力作。

张澍作本书，是感于“人殷毖而受氏，或爵或邑或山或水或字或名或冒或徙，不得其真，知为谁之考妣？同一姓而出殊，同一郡而望区，数典而忘祖，籍谈焉免其抑揄，岂不悲哉！”用现在的眼光看，他的这种观点无疑是低层次，且有其封建性的。但不可否认的是，自从我们的民族有姓氏以来，“我是谁？我从哪里来？我到哪里去？我的根？”就不免萦萦于人们的心。所以姓氏之书，从《世本》开始，有王符的《志氏姓》、应劭的《姓氏谱》、林宝的《姓纂》、王伯厚的《急就篇》、郑夹漈的《氏族略》等等，层出不穷，但这些姓氏书“枘凿多端，瑕类纷出”。张澍在研究各种姓氏书的基础上，从史书、文集、故冢之铭、稗官之说、州郡之志、医药之经中，收集姓氏近四千种，叙述了各种姓的起源、发展及其在历史上有影响的代表人物。对生僻之姓给予注音，对尚有争议的姓，旁参旧闻，给予考证。使人们读此书，而能知中华姓氏之多，识各姓之源，辩各姓之流传。所以它的出版，一方面可以使人们了解自己的祖先；另一方

44K p(2)

面，也可以给中国史和社会学研究提供宝贵的资料。

本书所据为道光戊戌年张氏自刊本，由于我们的水平有限，难免出现错讹之处，欢迎广大读者批评指正。

编 者

1991年10月

序

予与介侯交三十餘年矣，忆在京师时年俱弱冠，而介侯已通籍，溺苦于学。予尝就正所疑，必援经据史，辩论精严，每至夜分不倦。后介侯改官为黔中宰，而蜀而江右，余亦出守潮阳，不相见者二十餘年。道光辛卯春，余赴都，北上遇于张芥航河帅署，倾谈竟日，知其著作等身而多未刊行，嗣陈臬中州，介侯远寄所纂《忠武侯集》、《续黔书》、《蜀典》并《养素堂文集》，皆宦游时所撰，而博雅宏深，运以精思。不意其政事之馀，文章精赅如是。又致书曰：曩撰姓氏五书三百餘卷，今欲择《寻源》、《辩误》二种付梓，其助之贲，余不可辞。会余承乏秦藩，与介侯时相过从，亟索其稿本，阅之，诚非林宝、韦述、邓名世、郑渔仲诸人所能窥见。即如我杨氏得姓之始，溯自周宣王少子尚父幽王邑诸杨后，并于晋因为氏。又考仇池蜀中诸杨及魏晋以来冒姓改姓者，征引诸书既精且确，其他皆证以经史碑版，无紊无遗，使天下人各知其姓之所自，不致数典而忘其祖，厥功伟哉。至《辩误》一书，尤于读史者有裨益。戊戌夏，曰书将刊成，介侯谓余不可无言以弁其首，因不揣固陋而为之序。

道光戊戌夏五月下浣北平杨振麟拜首

序

草木祖根，山祖昆仑，江海祖源，不此之求，是谓昧。厥元谱牒，家以百数，孰能昌言。天神灵而生子，地广厚而资始，人殷祲而受氏，或爵或邑或山或水或字或名或冒或徙，不得其真，知为谁之考妣？同一姓而出殊，同一郡而望区，数典而忘祖，籍谈焉免其抑揄，岂不悲哉！史氏作传，但凭家谱，朝代差互，官位僭午，以祖为孙，以子为父，攀援公卿，厌薄卒伍。拓跋之臣，著洛阳之土，轻改其宗，不翊毁其桌主俎豆馨香，鬼神其吐。炎黄之胤嗣，子姁之精苗，列邦之胄绪，异域之枝条，绵而飏，蕃而椒，继而续，茂而彫。虽英贤之传理，信为华胄之遥遥。吹律而定五音，自轩皇而非今，今世已为绝学，吕才恫疑于乃心，乌知京房之卜卦，指李星而分衿。然避仇而匿迹，亦蒙养而受恩，荷国宠而荣赐，移偏傍而更番，嫌尊讳而改易，奕禩仍复其墙垣。余为此书必溯其初，士夫各有其冠裾，农氓各有其耒耜，商贾各有其珠贝，工匠各有其绳枢，离之不可瓦合，合之不可瓜分，如淄澠之不混，如丝絮之不棼，将以寻源于星宿，庶私乘之可焚，谁能知我后世杨云。

武威张澍自序

姓氏寻源卷一

一 东 上上平声

东氏 《路史》云：东氏，伏羲氏后。澍按：舜时有东姓，东不识是也。见《尸子》。汉西羌勒姐当煎大豪，亦有东姓，东岸是也。见《西羌传》。魏恭帝时，有羌东念姐。见《周书·商州志》。元时鞏昌有东良会守商州，后徙华州朝邑，为关中华胄。《章丘县志》邑有东姓。又按：东姓改练者，唐河内人，练何是也。见《练氏谱》。金时东永昌赐姓为温敦氏。见《金史》。

东郭氏 《姓谱》云：出姜姓，齐公族大夫居东郭、南郭、西郭、北郭者，以地为氏。春秋时，齐东郭书、东郭偃，东郭贾，字子方，食邑大陆，谓之大陆子方。澍按：《姓纂》以东郭为桓公后，非也。桓公时即有东郭偃、东郭牙，岂其后哉。晋、魏国亦有东郭姓，见《说苑》、《庄子》。

东门氏 王符《潜夫论》云：如东门、西郭、南郭、北郭，皆因居为氏。孙愐《广韵》云：鲁东门襄仲，庄公之子，遂为卿，

居东门，氏焉。子归父以国讨，奔齐。澍按：《宣十八年传》逐东门氏。杜注：襄仲居东门，故曰东门氏。又按：《鬻子》汤七佐有东门虚，则东门氏不始襄仲也。唐人卢若虚《石刻录》太公后有东门氏，疑非太公后，当为东郭氏。

东里氏 《姓苑》云：东莱人。《广韵》云：郑子产居东里，其支庶或以为氏。澍按：栗陆臣东里子，禹时处士，东里槐，周武王时，匡俗字子孝，本东里子，是此姓不始国侨也。

东方氏 《风俗通》云：东方氏，伏羲之后，帝出于震位，主东方，子孙因氏焉。《路史》云：世又以东方氏为出女娲，谓其主东方也。澍按：《论衡》东方朔姓金氏，变易姓名。《洞冥记》东方朔父姓张，名夷，母田氏，居代郡之东方里，以五月朔旦生朔。以所居为姓，非沿春皇也。一说东方始明而生，因为姓。《太平寰宇志》唐贞观中，定德州，平原八姓，有东方氏。

东宫氏 《元和姓纂》云：齐大夫东宫得臣之后。邓名世《姓氏辩证》云：齐公子得臣为世子，不敢居上位，故《传》称庄姜曰东宫得臣之妹，《诗》亦曰：东宫之妹。非得臣以东宫为氏也。澍按：东宫犹南宫、西宫、北宫，皆以所居为氏。

东陵氏 《风俗通》云：秦东陵侯召平之后。又齐景公时有隐居东陵者，因氏焉。《神仙传》有东陵圣母。《路史》云：召公后，有东陵氏。澍按：罗泌说本应劭，圣母姓杜，一云姓刑，不姓东陵。

东莱氏 见《姓苑》。邓名世云：东莱后世以为郡名，必秦汉以来人以地为氏。澍按：此说非，汉徐岳言东莱子造四维与周

公、孔子并称，必周时人也。东莱一作东邾，即古之莱夷，齐人迁之郕，曰东莱，即不夜城是。

东关氏 《风俗通》云：晋东关嬖五之后，汉有将军北亭侯东关义。《辩证》云：东关，晋之门名，其先，晋守关大夫以地为氏。东关义即其后，不可云嬖五后也。外嬖梁五与东关嬖五，谓之二五耦，而东关嬖人名五者，失其姓矣。澍按：传文明云梁五、东关五，则东关即姓也。于文不当云嬖东关五，故变文言之。

东闾氏 《辩证》云：《左传》东闾，齐之门名，所谓州绰门于东闾者，当时大夫以所居为氏。《路史》云：东闾氏，秦之后也。齐亦有东闾氏。澍按：《齐策》孙室子陈举直言，杀之东闾。《吕览》本篇云：更陈斧质于东闾。盖东闾齐邦行刑之所也。

东皋氏 澍按：居于东皋者以为氏，犹之东丘也。

东阳氏 《姓苑》云：望出东阳。《辩证》云：《左传》齐、鲁、晋皆有东阳，必其先列国大夫以邑为氏。澍按：《括地志》东阳故城在楚州盱眙县东七十里，秦东阳县在淮水南，是以邑为氏也。

东乡氏 《世本》云：宋大夫东乡为人之后。澍按：即向为人也，封于东乡，以邑为氏。《英贤传》云：今高密有东乡姓，汉碑，河间阜城有东乡姓。

东野氏 《东野志》、《世表》云：鲁公伯禽少子鱼受东野田一成，始以东野为氏，子宗，宗子雷，雷子晖，晖弟晞。又六代，灏弟淳，七代，缙弟绅，十代，缙弟纯，十四代，璋弟珙、弟璜，十六代，辅弟输、輶。澍按：《左定五年传》季平子行东

野。杜注：季氏邑，是东野以邑为氏也。

东蒙氏 《路史》云：伏羲后有东蒙氏。澍按：东蒙在鲁费县西北七十五里，在蒙山之东，主其山之祀者，因以为氏。

东楼氏 《姓纂》云：夏禹后，东楼公封于杞，因以为氏。《氏族略》云：夏禹裔，东楼公之后。澍按：《史记》武王求禹后，得东楼公，封之杞。然《大戴礼》、酈道元皆云汤伐桀，封其后于杞，是武王因旧封而重命之，故梅福传曰：武王克商，绍夏于杞。盖东楼、西楼，并以所居为号。《路史》谓杞后析于曹东之娄，是为东楼。

东灌氏 《潜夫论》云：东灌氏，嬴姓。澍按：《路史》作灌东，误。

东丘氏 澍按：居东丘者，以所居为氏，郟县人有东丘姓，见《姓苑》。

东丹氏 《五代史》契丹阿保机长子突欲为东丹王，及德光立，突欲奔唐，明宗赐姓东丹，名慕华，以为怀化节度使，瑞慎等州观察使，后更姓名，曰李赞华。

东山氏 澍按：居东山者，以所居为氏，又东山皋落氏之后也。《东观汉记》有此姓。

东卢氏 澍按：虜姓有东卢氏。见《后魏书·官氏志》。

东谢氏 见《辩证》。澍按：此非姓，宜删。

倮氏 见《玉篇》。澍按：系东氏因事加人以为氏。

同氏 《辩证》云：同氏必周官典同之后。澍按：同，一作“邛”。《春秋地图》今同州即同国，或以地为氏。

同蹄氏 《广韵》云：羌复姓，望在勃海。澍按：同蹄当出

于铜鞮也。唐时同官汝南有此姓，周《造象记》作同瑋，字书无瑋字，或蹄字之别体。

同官氏 见《姓苑》。澍按：当取同官为寮之义，或取同官县为氏。

同罗氏 《唐书》云：回纥九姓，五曰同罗氏。澍按：同罗铁勒之别部，盖以部为氏者，在薛延陀之北，去长安万七千五百里，户万五千，俗与突厥略同。

仝氏 澍按：仝氏即同氏，俗写作仝，后人因以为姓，河南郑县多仝姓。

童氏 《广韵》云：姓出东莞。《姓苑》云：望出勃海，今建昌有此姓。《姓纂》云：童氏出颛顼子老童之后。澍按：童一作僮，即郢也。《路史》云：出童律。又按：汉之童恢碑作董，盖董姓也。而谢承《后汉书》作僮，《东观汉记》作种，姑幕人也，皆非。

僮氏 《姓纂》云：老童之后，或为僮氏，一曰僮，即童氏。颛顼子老童之后，或从人。澍按：汉世丹阳有僮姓。

郢氏 《广韵》云：郢，姓也。澍按：郢氏即童氏，僮氏也。或从人，以别其族。见《路史》。

桐氏 《辩证》云：桐氏出春秋桐国之后，鲁定公二年，楚灭桐，子孙以国为氏。澍按：此说非。黄帝时有桐君，宋之虞城南有桐亭，故空桐地非桐乡也。桐乡有三：一在舒城，一在扶沟，即开封之桐，一在闻喜，西南八里，有桐乡故城。

桐门氏 《姓纂》云：宋北城门名也。乐大心为右师，居桐门，后为氏。澍按：郑樵、罗泌以为食采桐门，非也。服虔《左》注：

乐大心室居桐门，故曰桐门右师。

桐里氏 澍按：桐里氏当因所居之里有桐以为氏，如樗里之类，又或相里，讹为桐里。

铜鞮氏 澍按：匈奴大当户有铜姓，见《霍光传》。或铜鞮氏改为单姓。

铜鞮氏 《风俗通》云：铜鞮氏，晋铜鞮伯华之后，铜鞮晋之别邑也。澍按：《大戴礼》作桐提，《太康地记》铜鞮，晋大夫羊舌赤邑，未食铜鞮以前，尝食邑于羊舌也。《辩证》云：晋羊舌赤亦食采铜鞮，谓之铜鞮伯华。及羊舌赤亡，以乐霄为铜鞮大夫，其地上党，铜鞮县是也。二人之后，必有为氏者。亦见《元和姓纂》。

中氏 《姓纂》云：《吕氏春秋》中尚魏公子牟之后，魏得中山以邑与之，子孙因以为氏。澍按：《逸周书》有中旒父，是中姓远矣。《秦策》有中期，是秦亦有中姓也。

中行氏 《风俗通》云：晋中行偃之后。《姓纂》云：出自荀氏，晋公族逝敖生林父，晋文公作三行，林父将中行，谓之中行桓子，以官为氏。澍按：《僖二十八年传》晋侯作三行以御敌，荀林父将中行。《正义》云：始将中行，故以为氏。《史正义》云：中行寅本姓荀，自荀偃将中军为中行，因号中行氏。张守节说与应劭同，以为中行氏本于荀偃。林宝说与孔颖达同，以为中行氏本于荀林父，当以出林父为是。

中容氏 澍按：《山海经》有中容之国，舜之所生，或云即诸冯，是以国为氏也。或八恺仲容之后，古中仲字通。

中英氏 《广韵》云：虞有五英之乐，掌中英者因以为氏。

《姓纂》云：少昊氏有六英之乐，掌中英者，以官为氏。澍按：林说与孙恂说大异。

中山氏 澍按：中山鲜虞国，以地为氏。

中央氏 邵思《姓解》云：古帝号中央氏，后以为姓。澍按：中央氏即中皇氏，亦曰中黄氏，亦曰中黄真人，见《路史》。而罗莘注云：传记谓虞氏之乐有五央，掌其中央者，以中央为氏。按：虞乐乃五英，即帝侑之五英，言五行之英华也。与中央氏别。

中黄氏 澍按：中黄氏即中皇氏，黄帝时有中黄丈人，罗泌以中黄即中央，非也。

中梁氏 《史记》云：嬴姓中梁氏。《英贤传》云：古隐者中梁子之后。邓名世云：中仲通，必仲梁氏之后也。澍按：仲梁一作仲良，鲁国有此姓。

中路氏 见《广韵》、《路史》。澍按：路中氏也，孙罗说非，宜删。

中垒氏 《风俗通》云：刘向为汉中垒校尉，支孙以官为氏。亦见《姓苑》。

中野氏 《潜夫论·志氏姓》宋微子之后有中野氏。亦见《姓苑》。《路史》云：党项别部有中野氏。

中里氏 澍按：中里当以所居为氏，齐国有之。见《墨子》。

中叔氏 《姓纂》云：中叔圉之后。澍按：中叔即仲叔也。

忠氏 见《姓苑》。澍按：溢法危身奉上，险不避难，曰忠，

忠盖以溢为氏也，或以忠州为氏。

蟲氏 《路史》云：徐偃王后有蟲氏。《辩证》云：蟲出自春秋邾国蟲邑，鲁昭公十九年，宋围蟲，取之，其大夫以邑为氏。

种氏 《姓源》云：种氏，仲山甫之后，避仇改为种。澍按：《后汉书·种暉传》云：种，仲山甫之后也。汉世洛阳种姓多显者。

终氏 《世本》云：终任姓，夏太史令终古之后。《风俗通》云：终姓出于颛頊裔孙陆终。澍按：郑夹濛谓出陆终，以名为氏，沿应说也。《姓谱》亦云陆终之后，汉世济阴多终姓。

终葵氏 《左定四年传》成王封康叔以殷民七族，有陶氏、施氏、嬖氏、錡氏、樊氏、饥氏、终葵氏。《潜夫论》云：皆商之旧姓。《姓纂》云：商时诸侯后有终葵氏。澍按：终葵椎也，见《考工记》、《玉藻》、《方言》，而后人作钟葵，又作钟馗，盖取辟邪之义。

终古氏 《风俗通》云：终古，桀内史也，因氏焉。《姓纂》引云：桀内史终古，后氏焉。

终利氏 《姓苑》云：今下邳人有此姓。澍按：《秦本纪》秦之先为嬴姓，其后分封以国为姓，有终黎氏。《索隐》云：《世本》作钟离。《路史》引《世本》作终黎。《东观汉记》作终利，是钟离、终黎、终犁、终利，本一姓，后遂为四也。《路史》云：终利，徐之别封。又按：汉上谷太守郝贤封为终利侯，是终利或以封为氏，未必同钟离也。汉安平有终利姓，见孙根碑。

嵩氏 《路史》云：帝偁次妃有娥氏，后有嵩氏。澍按：嵩一作崧，汉世安定有此姓，见《西京杂记》。

众氏 《世族谱》云：出自姬姓，鲁孝公生子益师，字众父，其孙仲以王父字为氏，音终。澍按：古众终字通，故韩众亦作韩终。

崇氏 澍按：唐虞时，封鲧于崇。舜殛鲧，以崇更封诸侯。商末，有崇侯虎谮西伯，崇侯既灭，子孙以国为氏。其地在鄆县东，《九域志》云：崇，有崇城，崇侯坟。又按：秦亦有崇，是赵穿侵者与崇虎地异。《路史》云：老子之后，有崇氏，本姓李，遭乱改。澍按：李姓改徵吴之徵，崇是也。徵音止，不得云改崇。

衷氏 《姓纂》云：汉哀帝之后，哀愉仕南唐，赐改姓衷，官至检校礼部尚书。《姓谱》云：望出汝南，今豫州东筦多大家，在豫章者，有哀景元守豫章，因家焉。后三子避乱，居宁都，赐姓衷。澍按：明之哀贞吉，上命改衷氏。见《明史》。南昌衷姓皆寓哀坊里，本皆衷姓。

媵氏 澍按：古诸侯有媵氏，以国为姓，即帝倍次妃，契母简狄之国，后有媵氏、嵩氏，《淮南子》注：有媵氏，国在不周北，媵女简狄，其妹建疵。

媵陵氏 《帝系谱》云：女媵臣媵陵氏，制都良管，以齐天下之音。按：一作娥陵氏。

戎氏 《潜夫论》云：宋微子后有戎氏。《辩证》云：戎出自姜姓，四岳之后，别为允姓，居瓜州，秦逐戎子吾离，晋惠公封之南鄙之田，其族戎津，仕晋为车右，始以国氏。澍按：左史戎夫，在周穆王时，邓说非。郑夹漈以戎为公会于潜之戎，亦无据。又按：乌桓有戎姓，戎朱魔是也。见《汉书》。

戎胥氏 见《姓苑》。《路史》云：商仲衍之后，戎胥轩娶郾山氏，后有戎胥氏。

戎子氏 《姓纂》云：戎子驹支之后为氏。邓名世云：世无此氏。齐灵公之妾，亦谓之戎子，何独驹支之后乃为氏乎。《路史》云：炎帝参卢之后有戎子氏。

菟氏 澍按：菟眷氏改为菟氏，见《官氏志》。

菟眷氏 《后魏·官氏志》云：代北菟眷氏改为菟氏。澍按：孔至《姓氏杂录》云：代北菟眷氏改为菟氏误矣。

充氏 《姓谱》云：充姓出周官充人之后，以官命氏。澍按：《太平寰宇记》充国故城在阆中西南九十四里，又有西充、南充，充氏盖以地为氏者。汉世左冯翊有充姓，而《急就篇注》以为古仙人充尚之后，非也。充尚之先于何得姓乎！当以周官充人之说为是。

弓氏 澍按：黄帝子挥造弧矢受封于张为弓氏，张氏，应邵、孙诂以为鲁大夫叔弓后，非也。胡三省曰：孔子弟子仲弓，又有驩臂子弓。而《姓谱》独以为鲁叔弓后，殊为未通。汉世安陵有弓姓，唐时多显者，为汉博陵太守翊之后。又按：弓姓改为张者，前秦张蚝是也，见《前秦录》。

弓如氏 《姓谱》云：鲁大夫叔弓之后。澍按：汉世有弓如氏，见韩勅碑。

弓里氏 澍按：居于弓里以所居为氏也。

躬氏 见《姓苑》。澍按：宜为躬吾君之后，见《人表》。

宫氏 《辩证》云：出自周官掌宫门者，以世官为氏。澍按：郑樵以为宫之奇后，《北史》弘农有宫姓，《李仲璇传》为弘农太

守，先是宫牛二姓阻险为害，仲璇示以威惠，并即归伏。

宫孙氏 澍按：汉有宫孙氏，为宫姓之孙，因以宫孙为氏，亦即室孙氏也。

融氏 澍按：《春秋外传》云：颛顼裔孙曰黎，为高辛氏火正，实能光融天下，以功大，故号祝融。后人氏焉。《世本》云：古天子祝融之后。《世本》以祝融为天子，未知何据。又按：《山海经》苗龙生融吾，融吾生弄明。亦黄帝子或有为氏者。《路史》云：祝融氏后有融氏。

融夷氏 见《氏族略》，澍按：宜作融夷，此非姓，宜删。

丛氏 澍按：《庄子》：尧时有丛枝。丛姓始此，山东文登多丛姓，《池北偶谈》云：文登丛大司马兰，本汉穉侯，金日磾之后。相传日磾四十五代孙迁文登县之丛家峴，家焉，遂以为姓，至今科名甚盛。

蒙氏 《姓纂》云：高阳后，封以为蒙双，有蒙氏、双氏。罗泌云：颛顼之后有蒙氏。澍按：楚齐皆有蒙氏，楚有蒙穀负鸡次之典者，齐之蒙氏后仕于秦。又南诏国王姓蒙，哀牢之后代，居蒙舍州，其后入中国者，遂为安定人。南诏劝龙晟赐弄栋节度嵯巗氏蒙。见《唐书》。

蒙山氏 《风俗通》云：东蒙主以蒙山为氏。《氏族略》云：蒙山在沂州费县西北八十里。澍按：桀取于蒙山氏先此矣，此蒙山在蜀。

空桐氏 《史记》契，子姓，其后分封以国为姓，有空桐氏。《世本》作空同，云空同氏商后国。《世本》又云：空同氏子姓。盖因空同山也。澍按：《括地志》空同山在肃州福祿县东南六十